



UNIVERSITÄTS-
BIBLIOTHEK
PADERBORN

Illvstrivm Controversiarvm Biga.

Caraccioli, Antonio

Coloniæ Agrippinæ, 1619

Secvndvm Argvmentvm.

[urn:nbn:de:hbz:466:1-64242](#)

PRIMVM ARGUMENTVM.

¹⁰² **M**ARTINVS obiit vnde cima Nouembris, die Dominica. Ita habet Sanctus Gregorius Turonensis lib. 1. Hist. Franc. cap. vltimo, & ne corruptam notam numeri suspicere, id ipsum explicatè, & disertè repetit lib. 1. Mirac. cap. 3. his verbis: *Gloriosum ergo, & toti mundo laudabilem eius transiun in die Dominicam fuisse, manifestum est, ut in sequenti bus certis testimoniosis comprobabimus, quod non parui meriti fuisse censetur, ut in illa die eum Dominus in Paradiso suscepere, qua idem Dominus, & Redemptor vicit ab inferis surrexit, & ut qui Dominicam solemnia celebrauerat impolluit, post mundi pressuras Dominicam die locaretur in requie.* Gregorio ad stipulantur SS. Seuerinus Episcopus, & Luergistus tum Seuerini Diaconus, postea vero eiusdem in Episcopatu successor, quibus Dominica die Martinum ad celos migrasse reuelatum est. Sed dies vnde cima Nouembris ann. 402. non fuit Dominicana, sed feria tertia, quia littera dominicalis fuit E, ergo falsum est Martinum obiisse ann. 402.

*Vid. Vii.
borum SS.
Tom. 6. SH-
rii.*

SECVNDVM ARGUMENTVM.

¹⁰³ **H**A BETVR ex Seuero Dial. 2. cap. 6. Beatissimum Martinum, quo primum tempore factus est Episcopus, adiisse Valentini-anum seniorē; Id baronius non negat; sed contigisse scribit Anno Christi vulg. 375. post Consulatum Gratiani, & Aequitij, extremo scilicet Imperij Valentiniani, esto ita fuerit, quamvis alij nonnulli, ut Giselinus adnotat, multò citius alloquium illud consignent. Iam videamus quot Martinus annis Sedem Turonensem tenuerit, comperiemus non nisi 25. annos, quatuor menses, dies 7. sic enim apertissimè tradit Gregorius lib. 1. Mirac. cap. 3. *Per quinquennia quinque, bis insuper geminis mensibus, cum decem diebus, &c.* per quæ verba, cum rythmo quadam fint composita, ideoque corruptelis minus obnoxia, emendandus est alter Gregorii locus lib. 10. Hist. Franc. cap. 43 1. ubi scriptum reperitur, sedisse annos 26. menses quatuor, d. 17. scribendum que ann. 25. menses quatuor, d. 7. Iam vero si vera est opinio baronii, profecto Sanctus Martinus non solos 25. & quatuor menses, sed 27. integros, & ex parte 28. annos (quod est contra omnes Historicos, qui de Mattino scripserunt) vixisset Episcopus. Res clara est, quippè si 375. fuit primus Turonicæ Sedis annus, & peruenit Martinus usque ad Nouembrem 402. utique vigesimo octauo Sedis anno decessit.

TERTIVM ARGUMENTVM.

¹⁰⁴ **Q**UAMVIS concedamus Seuerum composuisse Vitam Beati Martini ipso Martino adhuc viuente, tamen post Martini obitum edidit, quod probatur, quia non multò ante Martini obitum eam se His-

tori-